

Na osnovu člana 173. stav 1. Zakona o upravi u federaciji Bosne i Hercegovine ("Službene novine Federacije BiH", broj 28/97 ), Vlada Federacije Bosne i Hercegovine, na prijedlog federalnog ministarstva pravde, donosi

**ODLUKU O POSTUPKU PRIMOPREDAJE SLUŽBENIH AKATA  
IZMEĐU UKINUTIH I NOVOOSNOVANIH FEDERALNIH ORGANA  
UPRAVE I FEDERALNIH USTANOVA**

**I**

Ovom odlukom propisuje se postupak primopredaje akata, druge dokumentacije i arhive ( u daljem tekstu : službeni akt ) između ukinutih i novoosnovanih organa uprave i federalnih ustanova ( u daljem tekstu: organi uprave ).

Odredbe ove odluke primjenjuju se i u slučajevima primopredaje službenih akata između federalnih i drugih organa.

**II**

Novoosnovani organ uprave, preuzima službene akte ukinutog organa uprave na dan prestanka rada tog organa.

Ukinuti organ uprave na dan prestanka rada zaključuje evidenciju o svim službenim aktima tog organa, vrši popis tih akata i predaje ih, u sređenom stanju, novoosnovanom organu uprave.

**III**

Primopredaju službenih akata između ukinutog i novoosnovanog organa uprave vrši komisija koju obrazuje Vlada Federacije Bosne i Hercegovine ( u daljem tekstu: Vlada Federacije ) od predstavnika ukinutog i novoosnovanog organa uprave.

**IV**

Komisija za primopredaju službenih akata sačinjava zapisnik koji sadrži:

naziv komisije koja sastavlja zapisnik,

broj, mjesto i datum sačinjavanja zapisnika,

oznaku propisa na osnovu koga se vrši primopredaja službenih akata,

broj i datum akata kojim je formirana komisija za primopredaju službenih akata,

naziv ukinutog i novoosnovanog organa uprave,

imena i prezimena članova komisije i

opće podatke o službenim aktima koji su predmet primopredaje, po godinama, vrsti, količini i stanju tih akata.

Popis službenih akata iz stava 2. tačke II ove odluke, sastavni su dio zapisnika o primopredaji službenih akata.

## V

Zapisnik o primopredaji potpisuju članovi komisije, a ovjerava se pečatom ukinutog i novoosnovanog organa uprave.

Zapisnik o primopredaji i popis službenih akata ukinutog organa uprave sastavlja se u pet istovjetnih primjeraka, od kojih se po dva uručuju predstavnicima ukinutog i novoosnovanog organa uprave, a jedan primjerak se ulaže u arhiv novoosnovanog organa uprave.

## VI

Odredbe ove odluke shodno se primjenjuju i na primopredaju službenih akata između ukinutih i novoosnovanih stručnih službi, biroa i drugih tijela koje osniva Vlada Federacije, odnosno između ukinute institucije koja ima javna ovlaštenja i novoosnovanog organa uprave, kao i u slučajevima kada organ uprave preuzima pojedine poslove i zadatke iz djelokruga drugog organa uprave, ako za ove službe i tijela nije posebnim propisom drugačije uređeno.

## VII

Ova odluka stupa na snagu narednog dana od dana objavljivanja u “ Službenim novinama Federacije BiH ”.

V broj 99/98

Sarajevo 2. aprila 1998. godine

Premijer Edhem Bičakčić, s.r.